

**KOMMUNE KUJALLEQ**



**TAPIINERMUT MALITTARISASSAT**

**2025**

## Indhold

Kapitali 1 Tapiiffigineqarnissamut piumasaaqatit .....	2
§ 1. Inatsisit tunngavigisat .....	2
§ 2. Tunngaviusumik piumasaaqatit .....	2
§ 3 Taperneqarnissamut qinnuteqaatit piumasaaqatitai .....	2
§ 4. Tapiissutinik atuinermik uppersaat, naatsorsuutit saqqummiunneqartarneri.....	3
Tapiissutit ukununga atorneqarsinaangillat : .....	3
§ 5 Sumiginnaaneq .....	4
Kapitali 2 Siunertat tapiiffigineqarsinnaasut .....	4
§ 6 Kulturikkut aaqqissuusinerit tapiissutit .....	4
§ 7. Nammineq kajumissuseq atorlugu sulinerit tapiissutit.....	5
Kapitali 3 Timersornerit tapiissutit .....	5
§ 8 Tapiissuteqartarnerit tunngaviit.....	6
Ingerlatsinerit, ilaasortanullu tapiissutit .....	6
§9 Timersornikkut tapiissutinut akit.....	7
§ 10 Timersortarfinnik attartornerit .....	7

## Kapitali 1 Tapiiffigineqarnissamut piunasaqaatit

### § 1. Inatsisit tunngavigisat

Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juni 2016-imeersoq.

Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq.

### § 2. Tunngaviusumik piunasaqaatit

- Kommune Kujallermut pingaaruteqarpoq aqqissuussat tapiiffigineqarsimasut innuttaasunut ataqqinninnissaat aammalu tulluuttumik ileqqorissaarnissaat.
- Kommunip tapiissutaa suliniutinut innuttaasunik immikkoortitsisunut atorpeqassanngilaq.
- Peqatigiiffiit, timersoqatigiiffiit kiisalu inuit ataasiakkaat kulturikkut assigisaanillu suliniutillit tapiissutinik qinnuteqarsinnaapput.
- Qinnuteqaatit tamarmik immikkut naliliiffigineqassapput.
- Qinnuteqartoq Kommune Kujallermi najugaqassaaq/angerlarsimaffeqassaaq.
- Peqatigiiffiinni suliaqartut meeqqanik 15-it ataallugit ukiulinnik sammisassaqtitsissagunik meeqqanik pinerliisimanginnermut uppernarsaammik pissarsisussaataapput. Inatsisartut inatsisaat nr. 8 maajip 19-neersoq naapertorlugu. 2010 issuagaq § 3 imm. 2:

### § 3 Taperneqarnissamut qinnuteqaatit piunasaqaatitai

Imm. 1: Peqatigiiffiit inuillu ataasiakkaat qinnuteqartut kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juni 2016-imeersumi imaluunniit timersorneq timigissarnerlu pillugit Inatsisartut inatsisaat nr. 15, 6. juni 2016-imeersumi siunertatut allaaserineqartunik malinnittussaapput.

Imm. 2: Peqatigiiffiit inuillu ataasiakkaat qinnuteqartut CVR-normuminnik, CPR-normuminnik, attaveqarfissat pillugit paasissutissaminnik kiisalu bankkontominnik paasissutissiisapput.

Imm. 3: Peqatigiiffiit pilersitsiviusumik ataatsimeersuassapput aammattaaq peqatigiiffiup aalajangersagaanik, peqatigiiffiup siulersuisuinik paasissutissartalinnik Inerisaanermik Ingerlatsiviuup Kulturimut, Sunngiffimmullu Immikkoortortaqrartianut tunniussisaaq. Allanguuteqartoqarpat piaartumik allanguutaasut nalunaarutigineqassapput.

Imm. 4: Inimik timersorfissamik aammalu unammersuarnissamut angalanissamut taperneqarnissamik qinnuteqarniaraanni kingusinnerpaamik ullut uku nallertinnagit pissapput: ukioq ataaseq sioqqullugu decemberip aallaqqaataani 1. Januarimiik 31. Julip tungaanut ingerlanneqartussanut, kiisalu juunip aallaqqaataani 1. Julimiik 31. Decemberip tungaanut ingerlanneqartussanut.

Imm. 5: Kulturimik sammisassaqtitsinermi taperneqarnissamut qinnuteqaatit 30.000,00 koruunit ataallugit naleqartut aammattaaq 30.000,00 koruunit sinnerlugit naleqartut kingusinnerpaamik qaammatit marluk sioqqullugit qinnutigineqareertassapput suliarineqaaqqaarnissaat eqqarsaatigalugit, taamaanngippat qinnuteqaatit itigartitsissutigineqassapput.

Imm. 6: Qinnuteqartut tamarmik missingersuusiussapput Kommune Kujalliup nittartaagani qinnuteqarnissamut immersugassamik immersuinikkut.



Imm. 7: Angalanissamut pilersaarutit, paasissutissat attuumassuteqartut, missingersuusiat assigisaallu ilanngunneqassapput. Inuit ataasiakkaat, soorlu eqqumiitsuliortut, ilitsersuisut, allalluunniit ilaappata taava peqataajumanermik upparnarsateqassaaq.

#### **§ 4. Tapiissutininik atuinermik upparnarsaat, naatsorsuutit saqqummiunneqartarneri.**

Imm. 1: Kikkulluunniit tapiiffiqarsimasut tapiissutit siunertaanut atorneqarsimaneramik upparnarsaanissamut pisussaaffeqarput. Upparnarsaaneq sammisassaqaqtitsisoqareernerup kingorna qaammatit marluk qaangiutsinnagit pissaaq.

Imm. 2: Aaqqissuussineq, sammisartaqtitsineq taperneqartoq taamaatiinnarneqarpat, tapiissutaasoq tamakkiisumik utertinneqassaaq, taamaaliortoqaangippat tulliani qinnuteqartoqarnermi tapiisoqarnissaa naatsorsuutigineqarsinnaangilaq.

Imm. 3: Peqatigiiffinnut inunnulluunniit ataasiakkaanut tapiissutininik tunniusisoqartillugu Akileraartarnermut Aqutsisoqarfimmuut paasissutissiisoqartassaaq.

Imm. 4: Peqatigiiffiit Inerisaanermik Ingerlatsiviup Kulturimut, Sunngiffimmullu Immikkoortortaqaarfianut naatsorsuutininik nassiussissapput, paasissutissat uku ilanngullugit:

- Ilaasortat amerlassusaat, ilaasortaanermut akiliutit pillugit paasissutissat nutartikkat.
- Ukiuni qaangiuttumi naatsorsuutit ukiut tamaasa maajip aallaqqaataa nallertinnagu tunniunneqartassapput, aammalu ataatsimeersuarnerup kukkunerisuiisunit kukkunerisiorneqarsimassalluni.
- Tapiissutininik pissarsisoqassaguni naatsorsuutit Inerisaanermik Ingerlatsiviup Kulturimut Sunngiffimmullu immikkoortortaqaarfianit allakkatigut akuerineqassapput.
- Peqatigiiffiit pissartanngorniutivinnermut peqataassagunik ilanngullugu qinnuteqarnermi nalunaarutigissavaat.

#### **Tapiissutit ukununga atorneqarsinnaangillat :**

Imm. 5: Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaanni nr. 5, 6. juuni 2016-imeersumi ilinniarnertit inuussutissarsiornermilu piginnaasaqalersitsisunik ilinniartitsinerit ilaangillat. Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juuni 2016-imeersoq naapertorlugu paasisassarsiorluni angalanerit assigisaalluunniit ilinniarnermut aamma inuussutissarsiutitut piginnaasaqalersitsisumik ilinniarnernut ilinniartitsinerinulluunniit ilaasunut tapiissuteqartoqarsinnaangilaq.

Imm. 6: Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaanni nr. 6, 6. juuni 2016-imeersumi § 5 imm. 5 naapertorlugu politikkimik, upperisarsiornermik sulisullu kattuffeqarnerannut siunertanut tapiissuteqartoqarsinnaangilaq.

Imm. 7: Tapiissutit sammisassaqaqtitsinerimi aaqqissuussaniluunniit imigassamik aalakoornartortalimmik sassaallerfiusuni tuniniaaffiusuniluunniit atorneqassangillat.

## § 5 Sumiginnaaneq

Tunngaviit qulaaniittut sumiginnarneqarsimatillugit tapiissutit utertillugit akilerneqarnissaannik kommune qinnuteqartumut piumasaqarsinnaavoq.

## Kapitali 2 Siunertat tapiiffigineqarsinnaasut

### § 6 Kulturikkut aaqqissuusinernut tapiissutit

Inuit ataasiakkaat, soqutigisaqaqatigiit, peqatigiiffiit allallu suliniuteqartut Kommune Kujallermi kulturimut tunngasunik aaqqissuusinernut tapiiffigineqarnissamik qinnuteqarsinnaapput.

Tapiinissamut sinaakkutit.

Tapiissuteqarnermut aaqqisuusaaq pingaartumik suliniutinut annikinnerusunut naatsorsuussaavoq. Ingerlatsivik 30.000.00 koruunit tikillugit nammineeeluni tapiisnaavoq. Kommune Kujallermi annertunerusumik aaqqissuusaqartoqartillugu nammineq kajumissutsimik suliniarnermut aningaasaliissutinik qinnuteqartoqarsinnaavoq, najukkami ataatsimiititaliaq Nanortalimmi, Qaqortumi Narsamilu qinnuteqarsinnaalluni. Kajumissutsimik suliniarnermut 30.000,00 koruunit sinnerlugit qinnuteqartoqartillugu Kulturimut Sunngiffimmullu Ataatsimiititaliamut aalajangiiffigisassanngorlugu saqqummiunneqartassaaq.

Ukiuni arlalinni suliniutigineqartussanut qinnuteqaatit aamma Kulturimut Sunngiffimmullu Ataatsimiititaliamut aalajangiiffigisassanngorlugit saqqummiunneqartarput.

Makkununga tapiissuteqartoqarsinnaavoq:

- Innuttaasut tamarmik peqataaffigisnaasaannik kulturikkut sammisaqartitsinerit
- Sammisassat kulturimik eriaginnertut nutarterinertullu ittut
- Sammisassat najukkani innuttaasunut nukittorsaaqataasut

Nalinginnaasumik tapiiffigineqarneq ajortut:

- Nipilersuutininik filminillu immiussinerit (kulturip oqaluttuarisaaneranut iluatinnaateqarsinnaasunik immiussat pinnagit)
- Atuakkanik assigisaanillu saqqummersitsinerit
- Peqatigiiffiit suliniaqatigiiffiillu, siulersuisunut ilaasortanik akissarsiaqartitsisut
- Aaqqissuussinerit imigassamik aalakoornartortalimmik sassaalliinertallit

Tapiiffigineqarneq ajortut:

- Aaqqissuussat naammassineqareersimasut imaluunniit qinnuteqaatip nassiunneqannginnerani aallartinneqarsimasut
- Sammisat inuussutissarsiutinut tunngasut
- Ingerlatsinerimut aningaasartuutit
- Paasisassarsiorluni angalanerit
- Aaqqissuussinerit politikkikkut, upperisarsiornikkut, immikkoortitsisumik imaluunniit sulisut kattuffiitut tunngasunik siunertallit



## § 7. Nammineq kajumissuseq atorlugu sulinermut tapiissutit

Kajumissutsimik suliaqartartut suliniutaat Kommune Kujalliup pingaartippai aammattaaq eqimattakkuutaanut tamanut pitsaasumik sunniuteqartitsisartumik kajumissutsimik suliniuteqartoqartarnera pitsanngorsaavigerusullugulu suliniuteqartartut amerlisarusuppai.

Imm. 1: Suliniaqatigiiffiit, peqatigiiffiit kiisalu inuit ataasiakkaat isumaginninnikkut namminneq kajumissutsiminnik suliniartut tapiiffigineqarnissaminnik qinnuteqarsinnaapput.

Imm. 2: Tapiissuteqarnissamut tunngavissat:

- Sammisassaritinneqartoq nammineq kajumissuseqarluni suliniutaasoq sullinniarneqartunut iluaqutaasumik
- Sammisassaritinneqartoq Kommune Kujalliup innuttaasuinut neqeroorutaasoq
- Sammisassaritinneqartoq innuttaasunut imaluunniit peqatigiiffimmi ilaasortaasunut neqeroorutaasoq
- Sammisassaritinneqartoq namminermut aamma nammineq ilaqtutanut pinnani allanut iluaqutaasusaaq
- Sammisassaaq aalajangersimasumik siunertaqartoq aamma nammineq kajumissuseq tunngavigalugu peqatigiiffiusumit,/eqimattanit/attaveqatigiiffinnit immikkullu pisoqartillugu inunnit ataasiakkaanit aamma ingerlanneqartoq
- Qinnuteqartoq qinnuteqarfimmi najugaqassaaq

## Kapitail 3 Timersornermut tapiissutit

*Timersorneq timigissarnerlu pillugit Inatsisartut inatsisaat nr. 15, 6 juni 2016-imeersoq naapertorlugu tapiissuteqartoqartarpoq.*

*Siunertaa: Ataasiakkaat peqqissuunerat, atugarissaarnerat aamma timikkut, tarnikkut inuuniarnikkullu ineriartornerisa unammillersinnaanerisalu nukittorsarneqarnissaat siunertaralugu timersornermik siuarsaassaaq, tassunga ilanngullugu unammilluni timersornermik timigissarnermillu siuarsaassaaq.*

Inatsit taanna naapertorlugu kommunalbestyrelsip akisussaaffii suliassaalu:

*Kommunemi timersornermut timigissarnermullu arlaqartunik assigiinngitsunik neqerooruteqarnermut kommunalbestyrelsi pingaarnertut akisussaavoq tamatumunngalu anguniakkanik tunngavinnillu aalajangersaassalluni, kommunalbestyrelsip inatsisit naapertorlugit akisussaaffii:*

- *Tapiissutinik tunniussinermini sammisassat meeqqanik inuusuttunillu, inunnik timimikkut ajoquteqartunik aamma inuuniarnikkut ajornartorsiuteqartunik ilaatitsisut sapinngisamik salliutissavaat.*
- *Kommunemi timersornermut timigissarnermullu assigiinngitsunik neqerooruteqarnermut kommunalbestyrelse akisussaavoq tamatumunngalu anguniakkanik tunngavinnillu aalajangersaasarluni.*
- *Kommunip illoqarfiini nunaqarfiinilu timersornikkut timigissarnikkullu neqerooruteqarnissamut kommunalbestyrelsi ukiut tamaasa pilersaarusiortassaaq kommunillu nittartagaani saqqummiunneqartasallutik.*
- *Kommunalbestyrelse najukkami timersornikkut timigissarnikkullu sammisassaritinneqartunut aningaasaliisiinnaavoq, timersortarfiit sanaartornerinut, iluarsartuunnerinut aaqquissuunnerinullusumiiffimmi kiisalu ininut silamilu timersorfinnut ingerlatsinermi aningaasartuutinut tapiissuteqarsinnaavoq.*

Makkununga tapiissuteqartoqarsinnaavoq:

- Piffimmi, nuna tamakkerlugu aammalu nunani allani timersornermut, timigissarnermut suliniutit
- Timersornermut atugassanik, sanaartorneq, aaqqisuussineq, aserfallatsaaliornissamulluunniit tapiissutit
- Illup iluani timersortarfiit imaluunniit silami timersortarfinnut atuinissamut tapiissutit □ Timigissarnermut, timersornermullu aaqqisuussinerit nunaqqatigiinnut nukittorsaataasut.
- Peqatigiifiit allattorsimallutillu akuerineqarsimasut Kommune Kujallermiittut

Nalinginnaasumik makkununga tapiissuteqartangilaq:

- Inuussutissarsiutigalugu aaqqisuussat.

Makkununga tapiisoqartangilaq:

- Aaqqisuussat naammassereernikut, imaluunniit aallarereernikut qinnuteqaat nassiutsinnagu.
- Tapiissutaasoq aaqqisuusinernut, sammisanulluunniit imigassallerfiusuni, imaluunniit akiginiaaffiusuni atoqqusaanngilaq.
- Angalanerit pereersut
- Aaqqisuussinerit, politikikkut, upperisarsiornermi, imaluunniit suliaqaqatigiit peqatigiissut □ Timigissarneq aammalu timersorneq inatsisitigut allatut aaqqisuussat.

## § 8 Tapiissuteqartarnermut tunngaviit

Imm. 1: Timersortarfiit timersoqatigiiffiillu peqatigalugit ukiumoortumik pilersaarusoqatigiittoqartassaaq timersornermut neqeroorutit qulakkeerniarlugit. Januaarip qaammataani ukiumut ataasiaq timersorfissamik attartortoqarnissaanik tapiisoqartassaaq. Kommune Kujallermi ukiumut timersornermut tapiissutit akuerineqartassapput, missingersuusiat kommunalbestyrelisimit akuerineqarsimasut sipporneqarsinnaanngillat.

Imm. 2: Angalanerimut tapiissutit ukiumut tulliuuttumut qinnutigineqartut Susassaqartitsinerimut Immikkoortoqarfiup kingusinnerpaamik 1. novembari tigussavai.

Imm. 3: Timersortartut peqatigiiffii, timersortartut klubbii, peqatigiiffiit aamma inatsisit malillugit ingerlatsisutut isigineqartut meeqqanik pinerliisimanginnermik uppersarsaammik pissarsisussaataaneq inatsisini, malittarisassanilu taakku assingini allassimanissaa isumagissavaat, meeqqanik pinerliisimanginnermik pissarsisussaataaneq pillugu Inatsisartut inatsisaat nr. 8, 19. maj 2010-meersoq malillugu.

## Ingerlatsinerimut, ilaasortanullu tapiissutit

Imm. 4: Kommune Kujallermi peqatigiiffiit akornanni timersornermut aningaasaliissutaasup 10%-ia peqatigiiffinnut naligiimmik agguataarneqassaaq. Timersoqatigiiffinnut tamanut assigiimmik annertussusilimmik aningaasaliisoqartassaaq. Peqatigiiffinnut aningaasat tapiissutit 15%-ii ilaasortat amerlassusai tunngavigalugit agguataarneqartassapput. Peqatigiiffinni ilaasortat tarmarmik assigiimmik aningaasaliiffigineqartassapput. Tapiissummik pissarsissagaanni peqatigiiffik nalunaarsorsimasussaallunilu akuerineqareersimasuussaaq aammattaq ukiumut naatsorsuutit ukiup siulianeersoq akuerineqarsimassaaq.



Imm. 5: Timersortartunut angalanissamut tapiissutit

Ukiut tamaasa timersornermut tapiissutit 75%-ii sumiiffinnut pingasunut agguanneqartarput; Nanortalimmut, Qaqortumut Narsamullu. Nunaqarfinni illoqarfinnilu innuttaasut amerlassusaat naapertorlugit tapiissutinik agguaassisoqartarpoq. Ukiup tullissaanut angalanissamut qinnuteqaatit kingusinnerpaamik novembarip aallaqqaataani tiguneqareersimasussaapput, aningaasat atorpeqarsimangitsut oktobarip aallaqqaataani qinnutigineqarsinaassapput.

Imm. 6: Unammiaarnissamut atatillugu timersornikkut sammisaqartitsinissamut qinnuteqartoqartillugu pissartanngorniutivinnermut peqataanissamut qinnuteqaasiortoqartassaaq, aningaasat atunngitsuukkat utertinneqartassapput.

Imm. 7: Timersortartunut tunngatillugu makkua tapiiffigineqarsinnaapput; timersoqatigiiffiit, pissartanngorniuninnermut atatillugu anngunniunnerit, pissartanngorniunnerit, kujataarmiut pissartanngorniutivinnerat, inoqarfinni sungiusarnerit.

Imm. 8: Nunarput sinnerlugu nunanut allanut unammisartunut Kommune Kujallermi najugaqartuusunut nunani avannarlerni, europami nunarsuarlu tamakkerlugu pissartanngorniutivinnerni peqataasussanut aningaasaliisoqarsinnaavoq. GIF, Specialforbund, Elite Sport Greenland kiisalu nunanut allanut unammisartunut tapiisartut aqutigalugit siuliani tapiiffigineqarnissamik periarfissaqarsimangitsunut tapiissutit sumiiffimmi pisariaqartitanik matussusiisussaapput.

## §9 Timersornikkut tapiissutinut akit

Imm. 1: Timersoqatigiiffiit najukkami nunatsinnilu pissartanngorniuttoqarnerani angalanissaanut tapiisoqarsinnaavoq, tapiissutinik tunniusisoqarpat ima tunniunneqarsinaapput:

1. U-18-it angalanerannut billetinut aningaasartuutit 65%-ii.
2. U-18-it nerisaqarnermut ullormut inummut ataatsimut 100 kr.
3. 18+ ukiullit angalanerannut billetinut aningaasartuutit 50%-ii.

Imm. 2: Timersullammaat allallu: (aningaasat tunniunneqartut akileraarutigineqassapput)

1. Timersullammak inuk ataasiuppat tapiissut 2.000,- koruuniussaaq
2. Timersoqatigiiffimmut tunniunneqarpat kr. 5.000-mik kajumissaaserneqassapput.
3. Neriunaatilimmut (talent) kajumissaasiineq 1000,-
4. Sungiusaasuullammak 2.000,-


## § 10 Timersortarfinnik attartornerit

Imm. 1: Timersoqatigiiffiit timersornerminni ininik attartornerannut tapiisoqarsinnaavoq, tapiissutinik tunniusisoqarpat ima tunniunneqarsinnaapput:

1. U-18 timersortarfimmik attartorneranni 100%-mik tapiissoqartassaaq
2. Inersimasunut attartortunut tapiissut 85%-mik tapiissoqartassaaq



Tapiisarnermut maleruagassat Inerisaanermut Ingerlatsivik Ataatsimiititaliamit akuerineqarpoq ulloq 7. februar 2025



---

Angutitsiaq Isboethsen  
Ataatsimiititaliami siulittaasoq

Tapiisarnermut maleruagassat Kommunalbesyrelsemit akuerineqarpoq ulloq 28.02.2025



---

Stine Egede  
Borgmesteri